



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶԻ
ԱՐԱՔՍԻ ՀԱՄԱՅՆՔԱԴԵՏԱՐԱՆ**

Հայաստանի Հանրապետություն, Արմավիրի մարզ, Արաքս համայնք,
գ. Գայ, Ա. Խաչատրյան 1, Հեռ. 060 88 77 77, Ֆաքս ՀՀ Արմավիրի
մարզ, Արաքս համայնք, Գայ գյուղ, araks.armavir@mta.gov.am

N 3098

09 դեկտեմբեր 2025թ.

«ԱՎԵՏԻՍ-ԽԵՑԻ» ՍՊԸ

ՏՆՕՐԵՆ

Ա. ԱՎԵՏԻՍՅԱՆԻՆ

ԾԱՆՈՒՑՈՒՄ

Պայմանագիրը միակողմանի մասնակի լուծելու մասին

ՀՀ Արմավիրի մարզի Արաքսի համայնքապետարանի և «ԱՎԵՏԻՍ ԽԵՑԻ» ՍՊԸ-ի միջև 2023 թվականի սեպտեմբերի 07-ին կնքվել է ԱՄԱՀ-Հ-ԳՀԱՇՁԲ-23/56 ծածկագրով պայմանագիրը՝ ՀՀ Արմավիրի մարզի Արաքս համայնքի Հայկաշեն գյուղի մշակույթի տան վերանորոգման աշխատանքների համար, 24 ամիս ժամկետով, 56799900 ՀՀ դրամ գումարով: Աշխատանքները պետք է կատարվեր սուբվենցիոն ծրագրով:

Համայնքի բաժնի աշխատանքների կատարման համար կնքվել են թիվ 01 և թիվ 02 համաձայնագրերը՝ 36919935 ՀՀ դրամ ընդհանուր գումարով: Աշխատանքների սկիզբը սահմանվել է թիվ 01 համաձայնագրի կնքման օրից՝ 04.10.2023 թվականից, իսկ վերջնաժամկետը սահմանվել է 04.10.2025 թվականը: 2024 թվականի հունիսից դադարեցվել են շինարարական աշխատանքները և Արաքսի համայնքապետարանի կողմից բազմաթիվ բանավոր և գրավոր առաջարկություններից հետո «Ավետիս Խեցի» ՍՊԸ-ն ոչինչ չի ձեռնարկել աշխատանքները վերսկսելու և ավարտելու համար:

Հետևաբար «ԱՎԵՏԻՍ ԽԵՑԻ» ՍՊԸ-ն /այսուհետ կապալառու/ սահմանված ժամկետում չի ավարտել աշխատանքները, որի հետևանքով խախտել է ԱՄԱՀ-Հ-ԳՀԱՇՁԲ-23/56 ծածկագրով պայմանագրի 1,3 կետը:

Տեղեկացնում ենք Ձեզ, որ Արաքսի համայնքապետարանը, /այսուհետ Պատվիրատու/ հիմք ընդունելով ԱՄԱՀ-Հ-ԳՀԱՇՁԲ-23/56 պայմանագրի 3.1.4 կետի բ/ ենթակետը իրավունք ունի միակողմանի լուծել պայմանագիրը և պահանջել հատուցելու իրեն պատճառված վնասները: Եթե Կապալառուն խախտել է պայմանագրի 1.3 կետում նախատեսված ժամկետները:

Պատվիրատուն իրավունք ունի նաև հիմք ընդունելով պայմանագրի 6.1, 6.2, 6.3 կետերը հաշվարկել տույժ և տուգանք: Քանի որ պայմանագրի կատարման ենթակա, սակայն չկատարված աշխատանքի գումարը կազմել է 25109096 ՀՀ դրամ, ըստ այդ հաշվարկվել է 577509 ՀՀ դրամ տույժ և 284000 ՀՀ

դրամ տուգանք (08/12/2025 թվականի դրությամբ), որը պետք է փոխանցվի Պատվիրատուի 900325165232 հաշվին:

ՀՀ քաղաքացիական օրենսգրքի 408-րդ հոդվածի համաձայն՝ «Պարտավորության խախտում է համարվում այն չկատարելը կամ անպատշաճ (կետանցով, ապրանքների, աշխատանքների և ծառայությունների թերություններով կամ պարտավորության բովանդակությամբ որոշվող այլ պայմանների խախտմամբ) կատարելը»:

ՀՀ քաղաքացիական օրենսգրքի 466-րդ հոդվածի 3-րդ մասի համաձայն՝ «Պայմանագիրը լրիվ կամ մասնակի կատարելուց միակողմանի հրաժարվելու դեպքում, երբ պայմանագրից հրաժարվելը թույլատրվում է օրենքով կամ կողմերի համաձայնությամբ, պայմանագիրը համապատասխանաբար համարվում է լուծված կամ փոփոխված»: «Գնումների մասին» օրենքի 6-րդ հոդվածի 1-ին մասի 6-րդ կետի ա/ ենթակետի նախատեսված հիմքերն ի հայտ գալու դեպքում, պատվիրատուի ղեկավարի պատճառաբանված որոշման հիման վրա լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում: Ընդ որում, սույն կետում նշված որոշումը պատվիրատուի ղեկավարը կայացնում է գնման ընթացակարգը չկայացած հայտարարվելու կամ կնքված պայմանագրի վերաբերյալ հայտարարությունը հրապարակելու կամ պայմանագիրը միակողմանի լուծելու մասին հայտարարությունը (ծանուցումը) հրապարակելու օրվան հաջորդող տասներորդ օրը: Որաշուրջ կայացվելուն հաջորդ օրը այն գրավոր տրամադրվում է լիազորված մարմինն և մասնակցին: Լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում որոշումն ստանալուն հաջորդող քառասուներորդ օրվան հաջորդող հինգերորդ օրը, իսկ որոշումն ստանալուն հաջորդող քառասուներորդ օրվա դրությամբ մասնակցի կողմից որոշման բողոքարկման վերաբերյալ հարուցված և չավարտված դատական գործի առկայության դեպքում տվյալ դատական գործով եզրափակիչ դատական ակտի ուժի մեջ մտնելու օրվան հաջորդող հինգերորդ օրը, եթե դատական քննության արդյունքով որոշման կատարման հնարավորությունը չի վերացել:

Հաշվի առնելով այն հանգամանքը, որ «ԱՎԵՏԻՍ ԽԵՑԻ» ՍՊԸ-ն խախտել է պայմանագրով սահմանված պարտավորությունները, ղեկավարվելով վերը նշված իրավական հիմքերով, Արաքսի համայնքապետարանը 2025 թվականի դեկտեմբերի 09-ին մասնակի՝ 25109096 (քսանհինգ միլիոն մեկ հարյուր ինը հազար իննսունվեց) ՀՀ դրամի մասով, միակողմանի լուծում է «ԱՎԵՏԻՍ ԽԵՑԻ» ՍՊԸ-ի հետ կնքված ԱՄԱՀ-Հ-ԳՀԱՇՁԲ-23/56 ծածկագրով պայմանագիրը:

Պատշաճ ծանուցումն ապահովելու նպատակով՝ կկիրառվի ՀՀ կառավարության 2017 թվականի մայիսի 4-ի N 526-Ն որոշմամբ հաստատված «Գնումների գործընթացի կազմակերպման մասին» Կարգի 33-րդ կետի 17-րդ ենթակետով սահմանված դրույթները:

Միաժամանակ հայտնում ենք, որ Արաքսի համայնքապետարանը պատվիրատուի ղեկավարի պատճառաբանված որոշման հիման «ԱՎԵՏԻՍ ԽԵՑԻ» ՍՊԸ-ին կներառի գնումների գործընթացին մասնակցելու իրավունք չունեցող մասնակիցների ցուցակում: Տեղեկացնում ենք, եթե Կապալառուն տուժանքի համաձայնագրերով նշված պայմանագրի ապահովման՝ 6454536 (վեց միլիոն չորս հարյուր հիսունչորս հազար հինգ հարյուր

երեսունվեց) և որակավորման ապահովման՝ 4279971 (չորս միլիոն երկու հարյուր յոթանասունինը հազար ինը հարյուր յոթանասունմեկ) ՀՀ դրամ գումարները, ինչպես նաև տուժերը և տուգանքները սահմանված ժամկետում պատվիրատուի 900325165109 հաշվին վճարվելու դեպքում պատվիրատուի ղեկավարի որոշումը չի ներկայացվի լիազոր մարմնին գնումների գործընթացին մասնակցելու իրավունք չունեցող մասնակիցների ցուցակում ներառելու համար:

ՀԱՄԱՅՆՔԻ ՂԵԿԱՎԱՐ՝



Ղ. ՂԱԶԱՐՅԱՆ

Կադր. Ֆինանսարդեսագիտական, եկամուտների հաշվառման և հավաքագրման բաժնի գլխավոր մասնագետ՝ Լ. Աղաջանյան
+37498130415